

Die Melgisedek Orde - Lewende houer van die GEES
Gen 14:18 En Melgisédék, die Koning van Salem, wat 'n priester van die Hoogste El was, het Brood en Wyn gebring [Boekrol van die Opregte 23:35]

Gen 14:19 en hom geseën en gesê: Geseënd is Abram deur die Hoogste El die Skepper van Hemele en Aarde.

Gen 14:20 En geseënd is die Hoogste El, wat u vyande in u hand gegee het, toe gee hy Hom die tiende van alles.

Ons sien dat Abraham, na sy oorwinning oor die koning van Sodom, na hierdie Koning van Salem gegaan het, met Hom gepraat het, en saam met Hom brood en wyn genuttig het. Daarna is Abraham geseën, waarna hy 'n tiende van alles aan hierdie Melgisédék koning gegee het. Hier moet ons nou na 'n paar Hebreëuse betekenis kyk, want dit sal meer lig werp op die onderwerp.

Melgisédék bestaan uit twee frases, naamlik "Melek" wat *koning* beteken en "tsedek" wat *Geregtigheid* beteken. Salem, die plek waar hierdie Melgisédék gewoon het, beteken *vrede*. Ook sê die Skrif dat Hy 'n priester was. Ons het dus die volgende. Hierdie Melgisédék was dus 'n Priester-Koning van die Allerhoogste (Hoogste El), Koning van Geregtigheid en Vrede.

Hy was dus op Sy minste 'n goddelike wese en dus sou die wyn en brood ook heengewys het op die toekomstige Ware Brood en Wyn, JaHweshua Messias, wat vir ons sou kom sterf. Daar kan dus afgelei word dat hierdie ete tussen Abraham en Melgisédék 'n voorloper van die Pasga was wat ons Meester, JaHshua, duisende jare later sou instel, waarop die Brood na Sy liggaam verwys en die wyn na Sy bloed wat vir ons gestort sou word. Ons lees meer hieroor in die Boek Hebreërs.

Hebreërs6:19 en Ons het Hom as 'n Anker van die siel wat veilig en vas is en ingaan tot binnekant die voorhangsel

20 waar JaHweshua as voorloper vir Ons ingegaan het, Hy wat volgens die Orde van Melgisédék 'n Hoëpriester geword het vir ewig. [Psalm 110:4]

Hebreërs7:1 WANT hierdie Melgisédék was koning van Salem, priester van die Hoogste El, wat vir Abraham tegemoetgegaan het by sy terugkeer toe hy die konings verslaan het, en hom geseën het; [Génesis 14:18]

2 aan wie Abraham ook 'n tiende deel van alles gegee het - hy was in die eerste plek, volgens uitleg, Koning van Geregtigheid en dan ook Koning van Salem, dit is Koning van Vrede; [Openbaring van Henog 23:37]

3 sonder vader, sonder moeder, sonder geslagsregister, sonder begin van dae of lewens-einde, maar gelykgestel aan die Seun van die Elohim, bly Hy Priester altyddeur.

4 Let nou op hoe groot hierdie Man was, aan wie selfs Abraham, die aartsvader, 'n tiende van die [sy] beste [goed] gegee het.

Hier lees ons dus dat hierdie persoon Melgisédék gelykgestel was aan ons Verlosser, JaHweshua. Hoe is dit dan moontlik, want ons Meester was maar slegs 33 jaar oud toe hierdie dinge met Hom gebeur het? Ook word Sy ewige priesterskap hier bevestig. Was JaHweshua dan nog altyd 'n priester gewees, voordat Hy gebore was uit Miriam?

Die wonderbaarlike geboorte en doel van Melgisédék
2 En Sofonima was ver in jare gevorder en baie naby haar dood; en sy is bevrug, al het Nir (Noag se broer) , die priester, nie met haar gemeenskap gehad sedert die dag dat JaHWeH hom voor die volk geplaas het nie

7 En Sofonima het haar man geantwoord en gesê:Ek weet nie hoe ek in my onskuld bevrug kon word nie.

9 En terwyl Nir met sy vrou gepraat het, het Sofonima voor Nir se voete neergeval en gesterf.

13 En Noag het gou gemaak en na sy broer se huis gegaan; en sy broer se vrou was duidelik dood, en sy was op die punt om geboorte te skenk. [JirmeJaH 1:5]

*17 Noag en Nir het ingekom om Sofonima te begrawe en hulle het die kind gesien **wat by die lyk gesit het en hy het 'n kledingstuk aangehad.***

18 Noag en Nir was baie verskrik, want die kind se liggaam was volmaak: hy het met sy mond gepraat en JaHWeH geseën. 19 Noag en Nir het na hom gestaar en gesê: Dit is die werk van JaHWeH, my broer. 20 Kyk, die Seël van die priesterskap was op sy bors en hy was 'n vreugde om te aanskou.

21 En Noag het aan Nir gesê: Broer, kyk, JaHWeH sal die Tabernakel van Apaeid na ons herstel.

22 En Nir en Noag het gou gemaak en die kind gewas en hom getooi in die priesterlike klere, en hulle het hom brood gegee wat geseën was en hy het hom geëet, en hulle het hom Melgisédék genoem.

30 JaHWeH het Nir gehoor en aan hom in 'n visioen in die nag verskyn en aan hom gesê: Aanskou, Nir, die verbastering op die Aarde is oral: Ek sal dit nie langer verduur of uithou nie.

31 Kyk, Ek gaan baie gou 'n groot vernietiging oor die Aarde bring, maar Ek het geen bekommernis oor die kind nie, Nir, want na 'n klein rukkie sal Ek My Hoofboodskapper Gabriël stuur en hy sal die kind neem en hom in die Paradys van Eden plaas.

*32 Hy sal nie vergaan saam met die wat op die punt staan om te vergaan nie, want Ek het hom **as 'n Teken gestuur**- hy sal vir My 'n priester van priesters vir ewig wees, **Melgisédék, en Ek sal hom eenkant sit, en Ek sal van hom 'n groot volk maak wat My sal eer.***

33....U Woord het 'n Hoëpriester in die baarmoeder van my vrou Sofonima geskep.

Gaan af na die Aarde, na Nir, die priester, en neem die kind Melgisédék wat by hom is en sit hom in die Tuin van Eden om hom veilig te bewaar.